

## TAYTUS Pol Taytus Nop Mij Tikak

<sup>1</sup> Yad Pol, bi God nop wog giñeb ne, bi Jisas Klays takaw nop dad ameb ak midebin. Binib God ne kilop dinig aglak okok, kilop agtep gen, kili kiles gil nop gos liniginigel. Linijid, takaw niñid yibil ak nigilig, God anigup tek ak niñid kidek ginigel.

<sup>2</sup> Pen takaw niñid yibil ne ak nigilig, pel pelnep yonigabun agil nop kod midebal. God bi takaw niñid yibil nep agup ak, bilel man ma alwol giłak ñin ak, binib kilop gen pel pelnep yenigabal aglak. Aglek nim, ne yepis ma agup tek, <sup>3</sup> ñin ne ke aglup ak apek, bi oginap takaw ne agñel, takaw anib ak misenj lak. Pen God bi kasin gep chin ak, yip dil kiles gil agek, takaw ne ak dad amil agñibin.

<sup>4</sup> Taytus, nad yad ayip, chilapil Klays nop gos linopul ak tek, nad ñi yad mideban. Pen mij anib ak ñu kil tikil nep ñebin. Bapi God chin ayip, Klays Jisas bi kasin gep chin ak ayip, nep yimug niñid gitep gel midtep ginimin.

*Bi Klays binib ne okok kilop kod midebal okok  
kilop aglinimin*

<sup>5</sup> Yad anigil gos nepin, wog oginap ma giłok ak, nad ditep ginimin. Ditep gil, bi Klays binib ne okok kilop kod midep oginap, taun keke midebal tek aglinimin, yad nep aginek tek. Anigil gos niñid,

---

**1:2** Lom 16.25, Kol 1.27, 2 Ti 1.1, 1.9, 1 Pi 1.20    **1:3** Epe 1.9-10, 1 Te 2.4, 1 Ti 1.1, 1.11, 2.3, 2 Ti 1.10, Tat 2.10, 3.4    **1:4** Lom 1.7, 2 Ko 8.23, Gal 2.3, 2 Ti 1.2, 4.10

man ñig tib kus gak Klit ak nep keligil amnînek. <sup>6</sup> Pen bi Klays binib ne okok kilop kod midep olap, ne anigil yonimun. Bi tep yibil midek, binib oginap nop nigel tep ginimuñ. Bin nokom dinimuñ. Ñipay ne Klays nop gos linigel, binib oginap bi ak ñipay ne ak sawl sek lek monmon gebal agil ma aginigel tek lup. <sup>7</sup> Bi Klays binib ne okok kilop kod midep ak, God wog ne kod midtep ginimuñ. Bi tep yibil midek, binib oginap nop nigel tep ginimuñ. Ne yad yib awl yibil dil, binib okok kilop kodin agil gos ma niginimuñ. Bi oginap kilop takaw timel oginap kasek ma aginimuñ. Ñig kiles ñibil sawl ma lil, kabiyam timel ma junimuñ. Mani tap okok yad nokom din agil gos ak ma niginimuñ. <sup>8</sup> Pen binib kilop ag dap kal migan ne linimuñ. Ne wog teplep gek nop tep ginimuñ. Bi takaw sayn tep agil, gos nigtep ginimuñ. Bi teplep midtep gil midil, bi suntep God agup tek nep gil, gos timud nab ne ayan ke kod midtep ginimuñ. <sup>9</sup> Takaw yipid gil pel agñibun ak di midonimuñ. Kiles gil di midil nim, binib okok kilop takaw yipid gup ak nep agñi tep gil, kilop kiles ñinimuñ tek lup. Pen binib takaw yipid gil ak tibilikipal okok, kilop timud wukilig kiles gil agñi tep gonimuñ, takaw pen aginigel tek olap ma yenigab.

*Man Klit ak, bi kuñay takaw timel agel, oginap Klays nop gos nepal ak keligipal*

<sup>10</sup> Pen Klays binib ne pelpel apnan gipal man ñig tib kus gak Klit okok, kili kuñay takaw tep

---

**1:6** 2 Ti 2.24-26    **1:6** 1 Ti 3.2-7    **1:7** Wkp 10.9, 1 Ko 4.1, Epe 5.18, 1 Pi 5.2    **1:9** 1 Ti 1.10, 1.15, 2 Ti 1.13, 2.15, 4.3, Tat 2.1    **1:10** 1 Ti 1.6, 4.7

yibil ak tibilikil, God nop kidek ma gipal. Takaw yokip kunjay agilig, binib okok kilop nebneb gilig yepis apal. Bi anib okok oginap bi Juda kay, wak tibilikinigun agil kiles timel gil apal. Anib ak tek, nad bi Klays binib ne okok kilop kod midebal okok, kilop aglinimin. **11** Bi takaw tep yibil ak tibilikipal okok, mani tap okok dun agil, binib yokip okok kilop anigil anigil ginimib agil, takaw apal ak yepis apal. Agel, apiligon amiligon ñapay kili oginap Klays nop gos nepal ak keligil apyap pakipal. Anib ak kilop agenimib, takaw agebal anib ak keliginigel. **12** Bi gos nigep kili ak, man Klit nib olap, ne biele anib agak, Binib man Klit nib okok, pelpel yepis yibil nep agil, kilop yilik gek wog ma gil tap ak nep niñun agil gos nepal agak. Gos anib ak niñid, tap ladek binib su niñeb tek ak midebal agak. **13-14** Takaw gos nigep agak anib ak, niñid yibil agak. Anib ak kili anigipal okok, nad kilop timud wukil kiles gil aginimin. Agenimin, bi Juda kesim yokip apal okok sek, takaw niñid yibil ak keligil takaw kiles adek apal okok sek, ma niñid dinigel. Pen takaw yipid gil ak dilig, Klays nop gos liniginigel. **15** Binib kili God widin adek siñak gach sek ma yenigel okok, tap okok midupsek dinigel ak tap gach sek ma dinigel. Pen binib God widin adek siñak gach sek midil, Klays nop gos ma niginigel okok, tap okok midupsek dinigel ak tap asin. Takaw kili nepal ayip, gos kili ayip gach sek mideb. Binib anib okok tek, gos timud kili

**1:11** Mat 23.14, Jon 10.12, 1 Ti 6.5, 2 Ti 3.6, 1 Pi 5.2    **1:13-14** 1 Ti 4.7, 2 Ti 4.2, 4.4, Tat 2.2    **1:15** Mat 15.11, Luk 11.39-41, Lom 14.14, 14.20, 14.23, 1 Ko 6.12

pisnep timel gek, nigtep ma gipal. **16** God binib ne midobun apal ak pen, gipal tek nigon, kili God yil ma midebal. God kilop nigek tep ma yibil gup. Takaw ne tibilikil, tap teplep olap ma ginigel tek lup.

## 2

### *Taytus ne bi milep bin milep okok kilop takaw agñinimuj*

**1** Pen nad, binib okok kilop God takaw yipid gil adek ak nep agñinimin. **2** Bi milep okok kilop age, takaw sayn tep agil, gos nigtep ginigel. Gitep gel binib nigel tep ginimuñ. Titay gonimuñ, kili Klays nop nokom gos linijid, binib okok kilop mapen lil, kiles timel gil miñel okok dil, anib okok ditep ginigel. **3** Bin milep okok kilop abe agñe, God gos ne nigup pal ak ajenigel. Binib oginap kilop ma agjuwil, ñig wayn kunjay ñiñjun agil gos ak ma niginigel. Gitep gil midtep ginigun agil gos nigtep gil, agñi tep ginigel. **4** Anigil nim, bin tob agen kidek lipal okok kilop agñi tep gel, nigimil sek ñapay sek kilop mapen yibil linigel. **5** Bin takaw sayn tep agil, gos nigtep ginigel. God widin adek siñak gach sek ma yenigel. Wog kal kili ke ak gil, binib okok ditep gil, nigimil sikop muk okok midil ginigel. Tap anib okok anigenigabal, binib oginap niñid, God takaw ne ak ma agjunigabal.

### *Taytus ne bi pilaj okok kilop takaw agñinimuj*

---

**1:16** Lom 1.28, 2 Ti 3.5, 3.8, 1 Jo 1.6, 2.4, Jud 4    **2:1** 1 Ti 1.10, 6.3,  
2 Ti 1.13, Tat 1.9    **2:3** 1 Ti 3.11, 2 Ti 2.9-10, 1 Pi 3.3-4    **2:5** Epe  
5.22, Kol 3.18, 1 Ti 2.11, 6.1, 1 Pi 3.1, 3.5

**6** Pen nad bi pilaj okok kilop abe agñi tep ge, bi takaw sayn tep agil, gos nigtep ginigel. **7** Tap okok midupsek ginigaban ak, gitep nep genimin, kili nep niñid gitep gipan tek ginigel. Pen binib okok kilop God takaw ak agñenigaban, yepis agilig yimel yimel agilig ma aginimin. Takaw niñid yibil ak nigtep gil, **8** yipid gil agñi tep ginimin. Yipid gil nep agenimin, takaw olap ma mideb, binib chinop milik nepal okok, takaw oginap piyow mel niñid, nebeñ dinigel.

*Bi wog giñeb okok, biawl kili ak takaw kilop aginigel niñid kidek ginigel*

**9** Pen binib wog giñeb okok kilop age, tap okok midupsek ginigabal ak, biawl kili muk okok yenigel. Biawl kili okok aginigel tek nep gel, kilop tep yibil ginigabal. Biawl takaw kilop pen ma agil, **10** tap kilop si ma dinigel. Anigil anigil gitep ginigel ak nim, biawl kili okok, kili bi wog giñeb chin okok gitep yibil gil apun tek nep gipal agil niginigabal. Anib ak niñid, kili God bi kasin gep chin ak takaw tep ne agñibun ak niñid, takaw teplep yibil ak niñid yibil mideb aginigabal.

*Chin God gup ak kidek gil, Klays ne ownigab ñin ak kod yonigabun*

**11** Chin nopun, God binib okok kilop yimug niñid gitep gep ak misen lup. Pen yimug niñid gitep gep anib ak kilop gek, midupsek tig asik dinimuñ tek lup. **12** Chin God nop kud ñil, ne anigup tek kidek

---

**2:7** Epe 6.24, 1 Ti 4.12, 1 Pi 5.3    **2:8** 1 Ti 6.3, 2 Ti 3.14, 1 Pi 2.12, 2.15    **2:9** 1 Ti 6.1-2    **2:10** Mat 5.16, Plp 2.15, Tat 1.3    **2:11** Jon 1.9, Lom 5.15, 1 Pi 5.12    **2:12** Lom 6.19, Epe 1.4, Kol 1.22, 1 Te 4.7, 1 Jo 2.16

ma gep ak sek, tap lum awl dun agil gos nigep ak sek, pisnep keliginigun. Chin pen takaw sayn tep agil, gos nigtep gil ginigun. Teplep midil midtep gil, God anigup tek gun agil gos ninjid ginigun. Binib lum awl nab okok midobun ak pen, God yimug ninjid gitep gep ne ak ninjid, chinop takaw tep anib ak agñek, gos ne ak kidek ginigabun. <sup>13</sup> Pen kidek gil, mid dad amil, tap teplep ninjid miñmiñ ginigabun ak, chin kod midobun. Tap teplep anib ak nim awl, Jisas Klays ne milek awl sek kiles awl sek dil, misen sinjak ownigab. Ne God biawl yibil mideb, bi kasin gep chin ak mideb. <sup>14</sup> Ne binib dil God ayip jimñil lin agil kumak. Chinop nen agil kumek nim, God takaw tibilikipun ak keligil, binib ne ke yibil okok midobun. Tap timel anib okok midupsek wik yokilig yek, binib ne ke yibil midobun ak, chin tap teplep yibil ginigun agil gos ninjid ginigabun.

<sup>15</sup> Takaw agesipin anib awl, binib okok kilop agñil, pel agñi tep ginimin. Pen binib takaw tibilikipal okok kilop, timud wukinimin. God ne nep dil agek, takaw kiles gil agenimin, jonib kid nep ak sipsip ma niginigel.

### 3

#### *Chin tap teplep ak gitep ginigun*

<sup>1</sup> Binib okok kilop age, takaw anib ak gos niginigel. Gapman biawl okok sek, biawl kili okok sek kilop muk okok midil, takaw aginigel ak ninjid

---

**2:13** 1 Ko 1.7, Plp 3.20, Kol 3.4, Hib 9.28, 1 Jo 3.2    **2:14** Kis 19.5, Lo 4.20, 7.6, 14.2, Sng 130.8, Ese 37.23, Gal 1.4, 1 Pi 2.9    **2:15** 1 Ti 4.12, 2 Ti 4.2    **3:1** Lom 13.1-7, Kol 1.10, Hib 13.21, 1 Pi 2.13-14

kidek ginigel. Pen minek minek wog teplep ak gitep ginig yenigel. <sup>2</sup> Bi olap nop ma agjuwil, penpen ma aginigel. Bi oginap kilop kimigel jimñil midil, midupsek ayip kimigel midon agil, gitep yibil ginigel. <sup>3</sup> Nibi nepim, chin abe ned binib sawl midil, takaw tep tibilikil, chinop tay yepis agelipal takaw ninjd gitep ma goligipun. Tap lum awl dun agil gos ninjd miñmiñ goligipun ak, tap anib okok wog giñeb kili tek yoligipun. Tap si tap timel ginigun agil gos ninjd, tap kili okok yad tek midobikop agil goligipun. Binib okok chinop milik ninjd, penpen yilik nigoligipun. <sup>4</sup> Anigoligipun ak pen, God ne bi kasin gep chin ak, chinop mapen yibil lil, yimug nigup. Anib ñin ak, tap teplep anib okok misen lek, <sup>5</sup> God chinop tig asik dup. Chin gitep yibil gon ninjd, chinop tig asik ma dup. Ne ke pen chinop mapen nigup tek tig asik dup. Won anib ak kilop tig asik din agil, gach chinop ak wik yokil, Kawnan ne ak chinop agyokek apil chinop gek, ñapay ne yibil midil, konjim nep midobun. <sup>6</sup> Pen Klays Jisas, bi kasin gep chin ak, wog ne gek, God ne Kawnan ne ak chinop monmon tig sogak. <sup>7</sup> Monmon tig sogek, pel pelnep yonigun agil nopun tek nep, God aglil agak tek kod midobun. Klays chinop yimug ninjd gitep gek, God nigeck binib suntep ne okok midobun anib ak tek, pel pelnep yonigabun ak kod midobun. <sup>8</sup> Takaw anib ak ninjd yibil yek.

**3:2** Epe 4.2, 4.31, Plp 4.5, Kol 3.12, 2 Ti 2.24-25      **3:3** 1 Ko 6.11, Epe 2.1-2, 5.8, Kol 1.21, 1 Pi 4.3      **3:4** 1 Ti 2.3, Tat 1.3, 2.11      **3:5**

Jon 3.3-5, Lom 11.6, Epe 5.26, 2 Ti 1.9, 1 Pi 3.21      **3:6** Jol 2.28, Apo 2.17-18, 2.33, Lom 5.5      **3:7** Lom 3.24, 8.23-24, Gal 2.16, Tat 2.11

**3:8** 1 Ti 1.14-15, Tat 2.14

Pen binib God nop gos linepal okok, kili pelnep kiles gil gittep ginigel. Anib ak, takaw anib awl kiles gil aginimin agil gos nepin. Tap anib okok teplep yibil, binib anib okok kilop gek midtep ginigabal.

<sup>9</sup> Nad pen, takaw nigep ma nigep ag amil apil gipal ak, apis based chin takaw agebal ak, takaw penpen ag amil apil gipal ak, takaw Mosis nu kil tikak ak niqid ag gil penpen yibil apal ak, takaw anib okok midupsek kud ninimin. Jij olap ma mideb, binib okok kilop gek midtep ginigel tek ma lup. <sup>10</sup> Anib ak bi olap, Klays binib okok kilop tig asik keke lenigab, nin olap agil, nop gos timud wukinimin. Pen ma nigek, minek ak abe aginimin. Minek ak abe ma nigek, nop kud ninimin. <sup>11</sup> Nad nepan, bi anib ak tek, bi gos timel niqid, tap nigep ma nigep gup. Pel tap si tap timel gup ak nim, tap timel anib okok, nop ke pen adikid amub.

### *Takaw day won oginap*

<sup>12</sup> Yad Atemas nop akan, Tikikus nop agyoken, nep am niginigab. Nigek won anib ak, kasek apil taun Nikopolis yip niginimin. Yobup lil takil ginigab nin ak, yad am man anib ak yenigayn agil gos nepin. <sup>13</sup> Bi Senas, takaw tig asikep olap ayip, bi Apolos ayip, kilop ditep ginimin. Kanib amnig gel, tap anib okok midupsek nittep ge dad amnimil. Nad anige, tap olap kilop bi ominal kul ma gup. <sup>14</sup> Binib chin okok monmon midil,

- 
- 3:9** 1 Ti 1.4, 2 Ti 2.14-16, 2.23, Tat 1.14      **3:10** Mat 18.15-17, 2 Ko 13.2, 2 Te 3.6, 3.14, 2 Ti 3.5, 2 Jo 10      **3:11** Apo 13.46, 1 Ti 6.3-5  
**3:12** Apo 20.4, Epe 6.21-22, Kol 4.7-8, 2 Ti 4.12      **3:13** Apo 18.24, 1 Ko 3.5-6, 16.12      **3:14** Mat 7.19, Lom 15.28, Epe 4.28, Plp 1.11, Kol 1.10, Tat 2.14

yokip ma yenigel. Wog tep ginigun agil gos niñid, gitep gilig tap midaknij, binib tap ma mideb okok kilop oginap ñinigel. <sup>15</sup> Binib midupsek yad ayip midobun okok, nep ag dideg lebal. Pen nad takaw chin ak dil, binib Klays nop gos liniñid chinop mapen lipal okok, kilop ag dideg linimin.

God nibop midupsek yimug niñid gitep ginimuñ.

## Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee